

A2<sup>r</sup>

Dem hochwirdigen in got vatter vnd herren/ herrn  
 Wilhelmen/ Bifchoff zů Straßburg/ Landtgrauen  
 im Elfes/ Granen [sic] von hoenftein 7c. Meinem ge  
 nedigen herrē/ entbüt ich Jo. Dobneck Cochle.  
 mein vnderthenige dienft alzeyt.

Hoch wirdiger wolgebor  
 ner fürft/ Genediger herr/ E/ F/ G/ tu  
 gent vnd gůt geruch/ erweckē mich/ wiewol  
 vnbekantē vnd vnwirdigē/ dz ich dis büch  
 lein/ des heiligen marterers vñ bifchoffs S. Cypriani/  
 vnder dē loblichen namen vnd fchutz E. F. G. laffe vß  
 geen zů deutſch/ gemeinē volck vnferer nation zů gůt  
 vnd getrewer warnung. Deñ es leit mir hoch an/ dz fo  
 vil güter leut in deutſch landē/ durch der newen huffen  
 vfürung vnd zertrennüg/ foll ewiglich (got laß ſich es  
 erbarmē) verloren werdē/ daran warlich niemāt/ d<sup>o</sup> da  
 difen tractat vftendiglich lifet/ zweiflen mag. Daruō  
 ich funft meermals/ lateiniſch vñ deutſch/ mit groffem  
 ſchmertzē vñ leidē gerufft vnd gefchribē hab. Deñ ob  
 ſchon Luth. gar kein ketzerey fürgeb/ in allē feinen büch  
 lein/ fo bringt er doch dē einfeltigen volck genůgfame  
 ſachen für zů d<sup>o</sup> verdamniß. in dē/ dz er fo gwaltiglichē  
 vnd<sup>o</sup>ftet deutſche nation vō dem rōmiſchen ftül/ dz ift/  
 von dē haupt chriſtlicher kirchen vnd von vnfer erften  
 mûter des heilgē glaubens/ ab zůziehē. Das dan war  
 lich vnferer nation nit meer frucht noch eer bringē wirt  
 dan es (leider) gebracht hat/ am neulichſten dē kriechen  
 vnd Behemē/ vnd daruor in gantzem Aphrica vñ ori  
 ent. Deñ es ift ye nun meer dan i4 iar/ die Rōmiſche

A2<sup>v</sup>

kirch die fürnemlichft gewefen in der gantzē chriftēheit wie dan alle hiftoriē chriftlichs wemens klerlich außtruck en. Vnd ift kein keyfer nie fo mechtig gwefen/ d<sup>9</sup> fie het mögē vnd<sup>9</sup> trucken vnd vßtilkē. Auch kein ketzer nie fo gelert gwefen/ d<sup>9</sup> yren glaubē het mögen v<sup>9</sup> duncklen od<sup>9</sup> vberwīdē. Deñ Chrifthus (welches wort ewiglich blybt)

mat. 16 hat gefprochē zū s. Pet dē erftē babft/ Du bift Petrus vnd vff difen petra/ d<sup>3</sup> ift/ vff difen felten wil ich bauē mein kirchē 7c. Vñ an eim andern ort. Petre (fprach er)

Luc. 22. ich bab für dich gebettē/ d<sup>3</sup> nit zergee/ dein glaub. Vñ alfo lobt auch s. Paulus d<sup>9</sup> rōmifchen kirchē glaubē im erften vnd letften capit. zū den Rōmern. Euer glaub (fpricht er) wirt v<sup>9</sup> kündet in aller welt. Jtē. Jch bit euch lieben brüder/ d<sup>3</sup> yr warnement der ihenen/ dīeda zwi<sup>9</sup> tract vnd fchand machē/ wider die lere/ welche yr gebē habt/ vnd weichet ab vō den felbē. Darumb es zūmal fpōtlich zū hören ift/ d<sup>3</sup> yetz nach fouil hundert iarē/ ein bettelmūnch fich alfo foll auffblafen/ d<sup>3</sup> er die rōmifchē kirchen/ ein gebew Chrifti/ Petri vñ Pauli/ mit feinē ftinckentē fcheltwortē/ vmeint vmb zū ftoffen Dieweil er aber s. Cyprianū [sic] felbs fo hoch haltet/ d<sup>3</sup> er wider alle papiftē (wie feine fpotwort lautē) gnūgſam ſey. bab ich gemeinē volck/ difen tractat vō der einigkeyt/ in befter meinūg zū deutſch wōllen fürhaltē/ beffer zū betrachtē d<sup>9</sup> feel feligkeit/ dan bißher in dreiē od<sup>9</sup> vier iaren befche<sup>9</sup> hē ift. Bitte daruff mit aller vnd<sup>9</sup> tenikeit. E. F. G wōll dis büchlin des hochbrūmbtē lerers vñ martners/ vnd<sup>9</sup> ewern namē vñ fchutz zū gūt vnfer nation/ gūtwillig vō mir armē vñ vnbekantē fchãflin annemē. will mich hiemit E. F. G demütiglich beuolhē habē. An. i524.

D5<sup>r</sup>

Ein Schlußred Jo. Dobneck Cochleus.

SEhet vnd nemet war/ Jr  
 liebtē brüder in Chrifto wie uil ſchöner lere  
 ſchrift/ exempeln vñ gleichniſſen/ gibt hie  
 für der heylig vñ ynbrünftig lerer vñ mar-  
 terer/ Cyprianus/ für die Einikeit Chriftlicher kirchē/  
 wider zwitracht/ ſpaltung vnd zertrennūg der ketzern  
 vnd abtrinnigē. Lefet vmb gots willen difen Trac/  
 tat mit fleiß/ mit eigener feel forg/ mit forcht gottes.  
 Er ift euch warlich zū difer zeyt faft leer not zū wiſſen  
 Deñ jr mögt ye nit achten oder ſagen/ daß er auch in  
 Luthers fachen Parteyſch ſey/ ſo ein alter lerer. Dar-  
 umb laffet euch bedunckē/ daß yr hie lefet eins geftren-  
 en/ warhafften/ vnd vnparteyſchen Richters vrtheil/  
 In difer Lutheriſchen ſache/ der da keinem teil meer  
 zū oder ablege/ dan die lauter warheyt vñ gerechtikeyt  
 auch der ſeele felikeyt/ erfordert. So dan Luther nun  
 öffentlich ſchreybt/ Lateiniſch vnd Deutfch. Er wölle  
 vns keinen frid laſſen/ er lebe oder ſey tod/ vnd begeret  
 mermals/ daß vnſer Chriftliche Nation/ ſoll ſich ab-  
 ſcheiden von der Römifchen kirchē/ das ift/ von vnſer  
 Mütter deß heylgen glaubens/ mit welcher alle waren  
 Chriſten ye vnd ye ſeind vereinigt/ vnd in einē Cörper  
 Chriſti verleybet gewefen. ſolt yr gantz nicht zweiflen/  
 daß er das vrtheil bey difem Richter gantz vñ gar ver-  
 loren hab. Ob er ſchon eitel gūte lere (daß doch nit ift)  
 fürwendt/ wan folche zertrennūg were allein genūgfa-  
 me vrfach zū der verdamniß. Denn alfo ſpricht hie s.

D5<sup>v</sup>

Cyprianus. Dife mackel wirt auch mit dem blūt nit abgewelchen. Die vnuerfönlich vnd fchwere fünd der zwitrectikeit/ wirt auch durch daß leiden nit gereinigt 7c. An eim andern ort fchrybt er alfo zū eim bifchoff vō dem ketzer Nouatiano/ der da gern babft wolt fein da der heylig Cornelius erwelt waß. Das aber betrifft (fpricht er) die perfon Nouatiani/ mein liebfter brūd<sup>9</sup>/ von welchem du begereft dir zū fchreiben/ waß ketzerey er hab yngefürt/ Soltu wiffen zū dem aller erften/ dz wir nit vil fragen oder achten follen/ was er lere/ fo er dauffen leret. Er fey wer er wöll/ vnd wie er wöll/ fo ift er kein Chriften/ der da in der kirchē Chrifti nit ift. Er rüme fich/ vnd rüff auß mit hochfertigen worten fein Philofophey vnd fein wolreden/ die weil er nit gehalten hat brüderliche liebe/ vnd Chriftliche einikeit/ fo hat er auch das verloren/ waß er vor gewefen ift. Dife wort fchreibt Cyprianus Antoniano. Welcher aber hiftorien gelesen hat/ der weyß on zweyfel/ dz Nouati. vil ein ander man vnd eins größern anfehens ift/ dañ da ift difer Bettelmünch. Nouatianus was fo hochgelert vnd wol beret/ daß man in aller welt wißt von jm zū fagen. Jm welfchland/ Jn kriechen/ Jn Orient/ vñ in Aphrica/ vnd hiengen jme an vil Bifchoffen/ vnd fielē jm zū auch etliche Bekenner/ die in der verfolgūg hetten Chriftū in der marter bekent. Nun hat Luther in fouil iarē noch nit einen Bifchoff an fich mögē brīgen/ vnd feind wider jn eintrechtlich alle hohe fchülē/ alle oberkeit/ alle gotfürchtige Chriften/ vnd hangt jm fchier niemant an/ in fouil pighartifchen ftucken/ dañ

D6<sup>r</sup>

---

leychtfertige Poeten/ verlauffene münch/ vngelerte  
reutter/ trunckene bierfritzen/ vnd der zotet hauff der  
armen Cüntzen vnd verdorbenen karft hanfen. Eytell  
iung leychtfertig volck/ wer aber Eer vnd gots forcht  
lieb hat/ dem ift warlich leyd/ dzman difem vnftetē vñ  
vnuerfchempten Genßprediger/ fouil fcheltwort/ vn-  
zucht/ vneer/ vñ ketzereyē foll fo lang zû hören/ vñ  
zû ewiger fchand Deutfcher Nation/ laffen fo  
weyt vnder die leut kûmen. Der almech-  
tig got wõlle fich vber vns erbarmen.  
daß wir zû eim feligen frid mō-  
gen kûmen/ vñ in brüderlich  
er liebe vñ Chriftlicher  
einikeyt vnfer leben  
fâliglichen be-  
fchlieffen.  
Amen.

Getruckt zû Straßburg durch Jo. Grieninger  
vff freytag nach Aller heylgē tag. Anno. 1524.